



Caderno da crítica

Cuestionario Proust: Xurxo Souto

[Ramón Nicolás](#) 17 Febreiro 2015

1.– Principal trazo do seu carácter?

– A capacidade de sorpresa.

2.– Que calidade aprecia máis nas persoas?

– A creatividade.

3.– Que agarda das súas amizades?

– Nada (a marabilla é que existan).

4.– A súa principal eiva?

– A falta de concentración (ou sexa, a preguiza).

5.– A súa ocupación favorita?

– Tocar cos meus amigos.

6.– O seu ideal de felicidade?

– Andar polo mundo a escoitar e a contar historias.

7.– Cal sería a súa maior desgraza?

– Non ter a ninguén a quen lle contar esas historias.

8.– Que lle gustaría ser?

– Gaiteiro!

9.– En que país desexaría vivir?

– En Galiza. O único xeito de ser cidadán do mundo é comezar por coñecer a parte do mundo que temos diante do fociño.

10.– A súa cor favorita?

– Fanme falta todas.

11. – A flor que máis lle gusta?

– A flor da pataca (descubrina grazas a Pepe Barro).

12.– O paxaro que prefire?

– O pardal vellouco, ou “gorripacho” como dicía o meu avó.

13.– A súa devoción na prosa?

– Teresa Moure e Manuel Rivas.

14.– E na poesía?

– Luísa Villalta.

15.– Un libro?

– *As crónicas do Sochantre* de Álvaro Cunqueiro.

16.– Un heroe de ficción?

– Adrián Solovio.

17.– Unha heroína?

– Pepa a Loba.

18.– A súa música favorita?

– Algunha repichoca de Bella Bartok, Faustino Santalices ou Erik Satie.

19.– Na pintura?

– Urbano Lugrís.

20.– Un heroe ou heroína na vida real?

– Mercedes Peón.

21.– O seu nome favorito?

– Icía e mais Manuela.

22.– Que hábito alleo non soporta?

– Polo de agora podo ir soportándoos todos.

23.– O que máis odia?

– O propio odio.

24.– A figura histórica que máis despreza?

– Por demodé e polo que nos rompen a cabeza con ela: Isabel, a católica.

25.– Un feito militar que admire?

– A Guerra de Troia (exclusivamente polas súas consecuencias literarias: a *Ilíada*, a *Odisea*, a *Eneida*...).

26.– Que don natural lle gustaría ter?

– O ouvido absoluto.

27. – De que maneira lle gustaría morrer?

– Despois de ter armado –e contado- unha boa historia.

28.– Cal é o seu estado de ánimo máis habitual?

– Arramallado (isto é, asombrado, en galego de Corrubedo).

29.– Que defectos lle inspiran máis indulxencia?

– A preguiza.

30.– Un lema na súa vida?

– Ti que me levas, eu que te axudo, ímoslle xuntos ao cabo do Mundo!